

مر النسيم من هنا  
يطرح جدائل فرح  
عود الريحان إتني  
هبت رياح الجرح  
يافرح ليه سبتنا  
دا الجرح جوع كافر  
أصل الربيع عافر  
وألم نزيفه طرح  
ومرار بنبضه سرح  
عشش كما الغربان  
فتَّح لجرحه بيبان  
وصلبني ع الجدران  
غرس الوجع فدادين  
طرحت دموع وآنين  
ياورد في البساتين  
لونك سواد الليل  
في قلب كل عليل  
غلب الجراح مواويل  
وكسر بعزفه الناي

فإنك يا بكرة الجاي  
تروىلى روى بضى  
شمس الحياه غابت  
وسواها ليه ثابت  
غرابيها ليه حابت  
شعلة لهيب ونيران